



UPUTSTVO ZA OSTVARIVANJE PRAVA NA DJEČIJI DODATAK U SKLADU SA FEDERALNIM ZAKONOM

Zahtjevi za priznavanje prava na dječiji dodatak u skladu sa Zakonom o materijalnoj podršci porodicama s djecom u Federaciji Bosne i Hercegovine ("Službene novine Federacije BiH", broj: 52/22) mogu se podnositi počev od 17.10.2022. godine.

Ukoliko porodica ima više djece mlađe od 18 godina, za svako dijete se podnosi novi zahtjev sa potrebnim dokazima, s tim da se kod prvog djeteta obavezno prilažu original uvjerenja o prihodima, dok kod ostale djece kopije tih uvjerenja. Svako dijete treba da ima otvoren transakcijski račun na svoje ime (U bankama postoji mogućnost da se na prvo dijete otvori prvi račun a za svako slijedeće dijete podračun).

Pravo na dječiji dodatak priznaje se djetetu do navršene 18. godine života, pod uslovima:

a) da ukupni mjesečni prihodi po članu domaćinstva ne prelaze 40% najniže plaće u FBiH (40% od 543,00KM jeste **217,20KM**),

b) da nije smješteno u hraniteljsku porodicu ili ustanovu socijalne zaštite u periodu dužem od 30 dana, pri čemu se troškovi smještaja djelimično ili u potpunosti obezbjeđuju iz budžetskih sredstava.

Djetetu koje ispunjava uslove ovog Zakona, pravo na dječiji dodatak priznaje se od dana podnošenja zahtjeva za ostvarivanje prava od strane zakonskog zastupnika.

Visina dječijeg dodatka iznosi 19% najniže plaće u FBiH (19% od 543,00KM jeste **103,17KM**).

Pravo na dječiji dodatak priznaje se najduže na 12 mjeseci od dana podnošenja zahtjeva i zakonski zastupnik (roditelj ili staratelj) djeteta dužan je obnoviti zahtjev za nastavak ostvarivanja prava U MJESECU PRIJE ISTEKA PRAVA. U protivnom, pravo na dječiji dodatak prestaje.



DOKUMENTI POTREBNI U OSTVARIVANJU PRAVA NA DJEČIJI DODATAK:

1. Prijave mjesta prebivališta za sve članove zajedničkog domaćinstva ne starija od tri mjeseca;
2. Izvod iz matične knjige rođenih za dijete (ovjerena kopija trajnog rodnog lista),
3. Uvjerenje o državljanstvu djeteta,
4. Za članove zajedničkog domaćinstva koji nisu u radnom odnosu potvrda ili uvjerenje Biroa da se nalaze na evidenciji nezaposlenih lica,
5. Za članove zajedničkog domaćinstva koji ostvaruju pravno na penziju Uvjerenje od nadležne službe PIO u posljednja tri mjeseca prije podnošenja zahtjeva.
6. Dokaz o otvorenom transakcijskom računu na ime djeteta (Ugovor ili potvrda banke).

NAPOMENA: Služba će po službenoj dužnosti pribavljati sljedeću dokumentaciju:

- a) Prihodi uređeni propisima o porezu na dohodak, prihodi po osnovu životnog osiguranja i prihodi od nasljedstva,
- b) Prihodi prema propisima o boračko-invalidskoj zaštiti i zaštiti civilnih žrtava rata,
- c) Prihodi po osnovu zaštite lica sa invaliditetom obaveznog izdržavanja, naknade za hraniteljstvo – starateljstvo.